

IZVJEŠTAJ O RADU
VIJEĆA NACIONALNIH MANJINA FEDERACIJE BOSNE I HERCEGOVINE OD
OSNIVANJA DO KRAJA NOVEBRA 2011. GODINE

Imena članova Vijeća nacionalnih manjina pri Parlamentu Federacije Bosne i Hercegovine objavljena su u Službenom listu FBiH, broj: 79/09 sredinom decembra 2009. godine, poslije Odluke o osnivanju i imenovanju članova Vijeća nacionalnih manjina Federacije Bosne i Hercegovine koju je donio Parlament FBiH na sjednici Predstavničkog doma od 17. 11. 2009. godine i sjednici Doma naroda od 3. 12. 2009. godine.

Ukupno od trenutka objavljivanja u Službenom listu FBiH do danas održano je 15. sjednica, a od toga u 2010. godini 7.

Krajem decembra 2009. godine, tačnije 28. 12. 2009. u 14 sati u Velikoj sali u Parlamentu FBiH održan je prvi, pripremni i upoznavajući sastanak imenovanih.

Konstituirajuća sjednica, odnosno prva zvanična sjednica, održana je 15. 2. 2010. godine, bez prisustva predstavnika Roma, na kojoj su izabrani predsjedavajuća Sanja Bogdanović i dvije zamjenice predsjedavajuće Irma Muratović i Hidajeta Redžić, te predloženi Statut i Poslovnik o radu, a koje je pripremila stručna služba PFBiH.

Vijeće je jednoglasno izabralo članove Komisije za ustavno-zakonodavna pitanja, razvoja i zaštite prava pripadnika nacionalnih manjina i Komisije za očuvanje i razvoj kulturnog, obrazovnog i jezičkog identiteta pripadnika nacionalnih manjina, kao i usvojilo Statut i Poslovnik o radu.

Na drugoj sjednici održanoj 19. 3. 2010. godine, Program rada dopunjen je prijedlogom da aktivnost prikupljanja relevantnih podataka o nacionalnim manjinama i njihovim udruženjima koji funkcionišu na području FBiH bude kontinuirana, te da se VNMFBiH informiše o radu Vijeća nacionalnih manjina na nivou BiH, o aktivnostima pomenutog Vijeća u toku 2009. godine, kao i sa Programom rada za 2010. godinu, kako se ne bi poslovi duplirali, te kako bi se djelovalo zajednički i sinhronizovano.

Traženo je da se za potrebe Vijeća obezbjedi prostorija koja će biti na raspolaganju u svakom momentu pozivajući se na član 7. Stauta koji glasi da je sjedište VNMFBiH Parlament FBiH i da se odredi sekretar koji će usmjeravati i kordinirati rad između VNMFBiH i PFBiH, te da se odobri Bužet.

S obzirom da je pred sam početak sjednice stigla obavijest o obavljenom ponovljenom javnom pozivu za izbor članova Romske nacionalnosti u VNMFBiH u toku sjednice ta obavijest je i uvrštena u dnevni red, a dopis Federalnog ministarstva pravde u cijelosti je pročitana prisutnim.

Na prijedloge romskih udruženja/udruga s područja FBiH, a na osnovu ispunjenih uvjeta iz ponovljenog javnog poziva, Federalno ministarstvo pravde utvrdilo je da zakonom predviđene uvjete za izbor u članstvo VNMFBiH ispunjavaju:

1. Šaban Mujić
2. Muradif Biberović
3. Mehmed Mujić
4. Mehmed Suljić
5. Dragiša Radić i
6. Šemsi Supnaj.

Tokom treće sjednice održane 7. 5. 2010. ponovo je aktivirana inicijativa za izmjenu Zakona o pravima nacionalnih manjina FBiH, te analiziran dotadašnji rad. I tom prilikom je istaknuto da se neispunjavanje obaveza od strane PFBiH vezano za Budžet, državnog službenika i prostoriju negativno odražava na rad Vijeća.

Analiza ispunjavanja zadataka pokazala je da je do tada planirano i urađeno. Doneseni su Poslovnik o radu i Statut Vijeća, Program rada i Finansijski plan, te upućeni dopisi predsjedavajućim oba doma PFBiH vezano za Budžet, imenovanje državnog službenika, prostor i davanje saglasnosti na Statut i Poslovnik Vijeća.

Konstatovano je da neki članovi ne dolaze na sjednice pa je jednoglasno donesen zaključak da se upoznaju društva čiji članovi ne prisustvuju sjednicama i skrene im pažnju na njihovo odsustvovanje.

O problemima i aktivnostima u svjetlu nemanja uslova za rad razgovaralo se na četvrtoj sjednici održanoj 16. 7. 2010. godine i odlučeno da se opet uputi dopis u kojem će se tražiti prijem kod predsjedavajućih i zamjenika predsjedavajućih oba doma PFBiH vezano za rješavanje elementarnih uslova za rad - problema Vijeća.

Tokom pete sjednice održane 27. 7. 2010. VNMFBiH je informisano o davanju saglasnosti na Poslovnik o radu i Statut u različitim tekstovima u domovima PFBiH, odnosno nedavanju saglasnosti na osnovna dokumenata Vijeća.

Predsjedavajuća je izvijestila prisutne o toku sjednice Doma naroda FPBiH održane 22. 7. 2010. godine vezano za nedavanje saglasnosti na Statut i Poslovnik o radu VNMFBiH, te listu predstavnika Romske manjine koji su trebali biti uključeni u rad VNM. Rečeno je da je na toj sjednici Doma naroda, na prijedlog Ministarstva pravde FBiH od šest predstavnika Romske manjine koji ulaze u sastav Vijeća, dodano i ime još jednog predstavnika Romske nacionalnosti. Ove odluke su, po proceduri u PFBiH išle na usaglašavanje jer su u domovima PFBiH usvojene u različitim tekstovima, ali i poslije usaglašavanja potvrđene su u Domu naroda sa izmjenama koje su bile predložene, a u Zastupničkom domu su prihvaćena i potvrđena odluka od šest predstavnika Romske nacionalnosti koje je prema PFBiH poslalo Ministarstvo FBiH pravde poslije javnog poziva, kao i Statut i Poslovnik o radu u izvornom tekstu. Pomenuti dokumenti su u domovima PFBiH usvojena u različitom tekstu – u Zastupničkom domu kao što su VNM i Federalno ministarstvo pravde predložili, a u Domu naroda sa izmjenama koje su predložili poslanici, odnosno u drugačijem tekstu. Predsjedavajuća je izvjestila i da je u skladu sa ranije dogovorom, predata molba - zahtjev da se delegacija VNMFBiH sastane sa predsjedavajućim oba doma PFBiH u ponedjeljak 26. 07. u 12 sati, ali do momenta održavanje sjednice nije bilo odgovora niti prijedloga drugog termina.

Istaknuta je činjenica da se ni na jedan od dopisa VNMFBiH prema Parlamentu nije dobio ni pismeni ni usmeni odgovor, te da se potrebno posebno angažovati oko Bužeta.

Zaključeno je da Radna grupa preuzme na sebe obavezu vezano za traženje odgovora oko ne stavljanja Budžeta VNMFBiH na dnevni red zasijedanja u PFBiH, te da se sazna gdje je „zapeo“ dopis, kao i da na osnovu izrečenog i odluka Doma naroda i ranijih dešavanja sačini pismo koje će obuhvatiti genezu nastanka VNMFBiH i probleme sa kojim se susreće i da se u usaglašenom tekstu pošalje na bitne adrese domaćih i međunarodnih institucija (naknadno će se precizirati kojih).

Šesta sjednica održana 18. 10. 2010. godine, održana je u punom sastavu jer je Vijeće popunjeno sa šest predstavnika Romske nacionalnosti, iako domovi Parlamenta još nisu potvrdili njihovo imenovanje, a tom prilikom je razgovarano o radu ove godine, te Planu i Programu rada i Finansijskom planu za sljedeću godinu.

Na prijedlog i sugestije zaključeno je da se uputi dopis prema predsjedavajućim oba doma Parlamenta FBiH u kojima će se obrazložiti situacija vezano za usvajanje dokumenata, davanja saglasnosti u jednom i ne davanja saglasnosti u drugom domu PFBiH i tražiti ponovo prijem kod predsjedavajućih oba doma bez obzira što su u tehničkom mandatu i sekretara oba doma da objasne dalji postupak o izmjeni odluke o imenovanju.

Tekst pisma koji objašnjava položaj i problem VNMFBiH je bez primjedbi usvojen i odlučeno je da se uputi predsjedavajućim, zamjenicima predsjedavajućih i sekretarima oba doma PFBiH, predsjedavajućim komisija za ljudska prava i predsjedavajućim administrativnih komisija oba doma PFBiH, zatim OSCE-u, USAID-u, premijeru Vlade FBiH, Visokom predstavniku, Vijeću Evrope, Evropskoj komisiji i ambasadorima zemalja nacionalnih manjina, te sredstvima javnog informisanja.

Tokom posljednje, sedme sjednice, u 2010. godine razgovaralo se o problemima koji od osnivanja opterećuju rad VNMFBiH i koji se ne rješavaju.

Zaključeno je jednoglasno da se u toku 2011. godine prikupe informacije, odnosno da se sugeriše kantonima i opštinama da informišu VNMFBiH koliko su daleko odmakli vezano za ispunjavanje zakonske obaveze o formiranju Vijeća nacionalnih manjina, kao i da se u toku te godine u skladu sa materijalnim sredstvima zatraži informacija od ministarstava školstva na raznim nivoima kako se provodi Zakon o školstvu vezano za prava nacionalnih manjina.

Dalje se nastavlja sa svim aktivnostima kako bi VNMFBiH što bolje funkcionisalo.

Vijeće 2010. godine nije u potpunosti ispunilo plan aktivnosti donesen početkom godine jer PFBiH nije obezbijedio osnovne uslove za rad Vijeća, a što je po Zakonu bio dužan: nije odobrio Budžet, obezbijedio prostor za rad niti imenovao državnog službenika zaduženog za Vijeće. Istovremeno neusvajanje Poslovnika o radu i Statuta u domovima PFBiH, te shodno tome neobjavljivanje ni imena novoizabranih članova Vijeća Romske nacionalnosti u Službenom listu FBiH dovelo je Vijeće u situaciju da nije u mogućnosti da ispuni svoju funkciju.

Tokom godine, nizom pisama (aprila, jula, oktobra i decembra 2010. godine) predsjedavajućim, zamjenicima predsjedavajućih i sekretarima, te komisijama za ljudska prava i administrativnim komisijama oba doma PFBiH, premijeru Vlade i Ministarstvu finansija FBiH, poslije i brojnim međunarodnim i domaćim institucijama i organizacijama, kao i ambasadorima 11 zemalja kojima pripadaju članovi Vijeća, pokušalo se uticati na rješavanje ovih problema, ali se nije uspjelo. Vijeće je radilo u skladu sa mogućnostima što se vidi i iz ovog Izvještaja.

Uprkos svemu predstavnici Vijeća su prisustvovali i učestvovali u javnim raspravama, okruglim stolovima i savjetovanjima vezanim za položaj nacionalnih manjina koje su organizovale vladine i nevladine domaće i međunarodne organizacije nastojeći dati doprinos osvjetljavanju problema nacionalnih manjina.

26. januara 2010. – Tribina u Midiacentru u Sarajevu vezano za presudu Finci – Sejdić.

22. mart 2010. godine – Sastanak sa vijećima nacionalnih manjina u BiH u Sarajevu u prostorijama PSBiH. Ovaj susret su osim Biroa za ljudska prava Tuzla i ToPeeR-a iz Doboja, organizovali i nevladina organizacija BOSPO, Tuzla i EURO-Rom Tuzla. Na sastanku je raspravljano o oblicima i načinu otklanjanja diskriminatornog položaja nacionalnih manjina u odnosu na postojeća ustavna rješenja.

27. marta 2010. godine – Na poziv Foruma građana Tuzle u Hotelu “Saraj” u Sarajevu prisustvovalo se okruglom stolu o temi “Građani BiH između jednakosti i diskriminacije”.

14. i 15. aprila 2010. godine – Dvodnevna konferencija “Manjine za manjine – dobre prakse sa područja zapadnog Balkana” u Zagrebu, a organizatori su bili Biro za ljudska prava Tuzla, Centrom CZKD Beograd i Mirovni institut Ljubljana.

17. maja 2010. godine – Održana fokus grupa sa članovima VNMFBiH u Sarajevu. Tema ove fokus grupe je bila utvrđivanje i definisanje prepreka i načina pomoći efikasnijem funkcionisanju, a cilj je bio prikupljanje dovoljnog broja podataka o radu, te o preprekama na koje nailaze, a sve u svrhu iznalaženja rješenja za učinkovito funkcionisanje.

17. maja 2010. godine – Konsultativni sastanak sa VNMFBiH u Sarajevu. Cilj sastanka je bio razmjena iskustva sa Savjetom nacionalnih manjina u RS i VNMBiH.

15. juni 2010. godine – Zajednički konsultativni sastanak sa predsjedavajućim i zamjenicima predsjedavajućih svih vijeća/savjeta nacionalnih manjina u BiH. Sastanak je organizovan u Tuzli. Cilj okupljanja je bio razmjena dosadašnjih iskustava vijeća nacionalnih manjina na entitetskim nivoima i na državnom, kao i na nivou Tuzlanskog kantona, te planirana buduća zajednička saradnja, a u cilju eliminisanja prepreka i iznalaženja rješenja za učinkovitije funkcionisanje svih VNM. Na sastanku se razgovaralo i o medijskoj kampanji o nacionalnim manjinama (internet stranica www.nacionalnemanjinebih.org).

25. august 2010. - Upoznavanje romske zajednice sa “Zakonom o zabrani diskriminacije u BiH” organizovala je terenska kancelarija OSCE-a u Sarajevu.

15. septembar 2010. godine – Presentaciji rezultata istraživanja Biroa za ljudska prava Tuzla “Analize efikasnosti djelovanja vijeća/savjeta nacionalnih manjina u BiH”.

23. i 24. septembra 2010. godine - Dvodnevni seminar o temi „Upoznajmo mehanizme zaštite prava nacionalnih manjina“ u Sarajevu.

7. oktobar 2010. godine - U PFBiH održan konsultativni sastanak sa članovima VNM. Teme sastanka su bile predstavljanje Priručnika za vijeća/savjete nacionalnih manjina u BiH i rasprava o trenutnoj situaciji VNMFBiH, te naredni koraci za njihovo prevazilaženje.

18. oktobar 2010. godine – Konsultativni sastanak i upoznavanje sa radom ombudsmena za ljudska prava BiH, odnosno sa šefom odjeljenja za praćenje prava nacionalnih, vjerskih i drugih manjina Dimitrijem Radojom.

7. decembar 2010. godine – U Bečićima u organizaciji Vijeća Evrope održan je neformalni savjetodavni sastanak za pripremu zajedničkog Programa Evropske unije/Vijeća Evrope o pravima manjina na zapadnom Balkanu.

8. decembar 2010. godine – Prezentacija Poziva za podnošenje projektnih prijedloga za udruženja nacionalnih manjina (sedam predstavnika VNMFBiH) u zgradi Delegacije Evropske unije.

10. decembar 2010. godine – Proslava Međunarodnog dana ljudskih prava u organizaciji OSCE-a, kao završnice takmičenja za mlade “Šta su za vas ljudska prava”.

U 2011. godini, do kraja oktobra, VNMFBiH je doržalo 6 sjednica tokom kojih se, na žalost bavilo istim problemima kao i 2010. godine – Bužetom, imenovanjem Roma u sastav Vijeća, prostorom, državnim službenikom, saglasnošću na Statut i Poslovnik.

Osma sjednica održana je 21. 1. 2011. godine i raspravljalo se o pripremanju Javne rasprave planirane za kraj januara sa predstavnicima USAID-a.

USAID je predložio da pomogne VNMFBiH da organizuje javnu raspravu o problemima u radu, a na kojoj bi učestvovali novi i stari sazivi oba doma PFBiH, državno i entitetska vijeća NM, te predstavnici medija i međunarodnih organizacija prije svih OSCE i USAID.

Zaključeno je da se uputi pismo predsjedniku, premijeru i ministrici pravde Kantona Sarajevo u kojem se skreće pažnja na neispunjavanje obaveza koje proizilaze iz Zakona o zaštiti prava nacionanih manjina u FBiH, a odnose se na donošenje kantonalnog zakona.

Na devetoj sjednici održanoj 11. 2. 2011. godine razgovaralo se o Izvještaju o radu za proteklu godinu, raspodjeli zadataka vezano za javnu raspravu i dogovoru o sastanku 16. 2. koji organizuje Biro za ljudska prava Tuzla.

U Zapisniku je posebno naglašeno da su zbog nedovršenog izbora pripadnika Romske nacionalnosti u VNM donošene odluke bez njihovog prisustva.

Deseta sjednica, održana 16. 2. 2011. godine, obuhvatila je usvajanje uvodnih izlaganja za javnu raspravu koja se organizuje u saradnji sa USAID - om , utvrđivanje datuma javne rasprave, izbor radne grupe za analizu Nacrta zakona o pravima nacionalnih manjina Kantona Sarajevo i pismo – raskcija na izjave u emisiji POTEZ.

Zaključeno je da se javna rasprava organizuje 10. marta, ali je konačno održana 16. maja. Zaključeno je da će pozive novom sazivu Parlamenta FBiH poslati USAID i spisak dostaviti Vijeću, kao i pripremiti sve materijale koji će obuhvatati: Zakon o zaštiti prava pripadnika nacionalnih manjina u FBiH, Statut i Poslovnik o radu Vijeća, te pismo koje je sredinom oktobra 2010. godine poslano na skoro 30 adresa domaćih i međunarodnih institucija.

Službe Kantona Sarajevo dostavile su Vijeću Nacrt zakona o pravima nacionalnih manjina pa je zaključeno da Komisija za ustavno - zakonodavna pitanja, razvoja i zaštite prava pripadnika nacionalnih manjina FBiH, analizira materijal i Vijeću ukaže na pojedinosti, te eventualno predloži neke sugestije koje bismo dalje uputili Kantonu do sljedećeg sastanka poslije javne rasprave kada će se analizirati i rezultati javne rasprave.

Jedanaesta sjednica Vijeća održana je 11. 4. 2011. godine, a raspravljalo se o imenovanju Roma u sastav Vijeća, zauzimanje stavova i buduće aktivnosti, tokom i zaključcima sjednice Administrativne komisije PFBiH, komentarima na Nacrt zakona o zaštiti prava pripadnika nacionalnih manjina u Kantonu Sarajevo, Programu rada Komisija za očuvanje i razvoj kulturnog, obrazovnog i jezičkog identiteta pripadnika nacionalnih manjina FBiH, pogramom rada Komisije za ustavno - zakonodavna pitanja razvoja i zaštite prava pripadnika nacionalnih manjina FBiH, imenovanju predstavnika - kvalificirane osobe koja ce biti član Radne grupe za izradu Treceg izvještaja o zakonodavnim i drugim mjerama na provođenju Okvirne konvencije o zaštiti nacionalnih manjina - Ministarstvo za ljudska prava i izbjeglice BiH, skraćenoj verziji govora za javnu raspravu u saradnji sa USAID, ranije dostavljena e-mailom i odgovoru Udruženju građana njemačko austrijskog porijekla vezano za njihovo uključivanje u rad Vijeća nacionalnih manjina FBiH.

Formulisan je zahtjev za donošenje Odluke u vezi potvrđivanja izbora članova VNMFBiH iz reda romske nacionalne manjine. Vijeće je zaključilo da se ovaj dokument dostavi na razmatranje predsjedavajućim oba doma Parlamenta FBiH, kao i Zajedničkoj komisiji za usuglašavanje različito usvojenih tekstova zakona PFBiH. U vezi s ovim već dugo otvorenim pitanjem, zaključeno je da je, s obzirom, na dosadašnja iskustva neophodno pratiti proceduru upućene dokumentacije i istrajati na realizaciji prava članova Vijeća iz Romske nacionalne manjine.

Član Vijeća, Tomislav Kryzk, obavijestio je članove o Natječaju OSCE-a koji je bio raspisan u osmogodišnjim školama u FBiH o poznavanju nacionalnih manjina, te da je Osnovna škola

Živinice osvojila prvo mjesto. Riječ je o konkursu, a odabir i rangiranje projekata obavljeno je na državnom nivou.

Osoba koja će predstavljati Vijeće nacionalnih manjina u FBiH u Radnoj grupi za izradu Trećeg izvještaja o zakonodavnim i drugim mjerama na provođenju Okvirne konvencije o zaštiti nacionalnih manjina pri Ministarstvu za ljudska prava određen je Tomislav Krzyk.

Što se tiče zahtjeva Udruženja Nijemaca (udruženje njemačko-austrijskog i bosanskog prijateljstva), zaključeno je da predstavnici mogu prisustvovati sjednicama Vijeća nacionalnih manjina i da ih se upozna sa zakonskom procedurom.

S obzirom da još uvijek nije imenovan sekretar Vijeća nacionalnih manjina u FBiH pri Parlamentu FBiH, zaključeno je da se ovo pitanje riješi u narednim kontaktima u PFBiH ponavljanjem dopisa.

Dvanaesta sjednica Vijeća nacionalnih manjina Federacije Bosne i Hercegovine održana je 24. 5. 2011. godine razgovaralo se o zaključcima javne rasprave – usvajanje i dogovor kome ih uputiti, te ispunjavanju zaključaka sa prošle sjednice.

Zaključke javne rasprave treba poslati predsjedavajućim oba doma Parlamenta FBiH i komisijama za ljudska prava oba doma Parlamenta FBiH.

Ministarstvo pravde Federacije BiH organizovaće sastanak sa predstavnicima VNMFBiH.

Trinaesta sjednica Vijeća nacionalnih manjina Parlamenta Federacije BiH, održana je 25. 8. 2011. godine, prvi put u prostorijama Vijeća u zgradi Hidrogradnje, a dnevni red je bio informacija o dešavanjima između dva sastanka i buduće aktivnosti.

U toku rasprave pomenulo se pitanje o potrebi održavanja press konferencije, izradi akreditacija članova Vijeća nacionalnih manjina FBiH, arhive, web stranice, email adrese i tehničke podrške, broja protokola, korištenje memoranduma i pečata.

Predloženo je i da bi pošta trebala dolaziti na adresu zgrade Hidrogradnje, govorilo se i o još neriješenom pitanju budžetiranja Vijeća nacionalnih manjina FBiH, kao i nedavanja saglasnosti na Statut i Poslovnik.

Članovi Vijeća nacionalnih manjina FBiH su izabrali članove za radne grupe u okviru Strategije koju radi OSCE.

1. Uputiti dopise Komisijama za ljudska prava i slobode oba doma i predsjedavajućim oba doma PFBiH, kako bi se zatražilo da se da saglasnost na Statut i Poslovnik VNMFBiH;
2. Uputiti dopis Premijeru i predsjednicima administrativnih komisija oba doma PFBiH sa pitanjem šta se do sada uradilo kako bi se VNMFBiH osigurao Budžet;
3. Potrebno je uputiti dopis predsjedavajućim oba doma PFBiH kako bi se zatražila tehnička pomoć, odnosno konačno imenovao službenik koji će pratiti rad VNMFBiH.
4. Potrebno je uputiti dopis svim federalnim i kantonalnim ministarstvima obrazovanja, kako bi se Romskoj djeci obezbijedio školski pribor.

I ovo godine uprkos činjenici da nisu imali nikakvih uslova za rad članovi Vijeća su prisustvovali svim dešavanjima vezanim za nacionalne manjine na koja su bili pozvani.

Vijeće nacionalnih manjina 13. 10. 2011. godine, kada je planirana 14. sjednica prvi put nije imalo kvoruma. Razgovaralo se o izvršavanju zaključaka i budućim aktivnostima.

Na ovom sastanku konstatirano je da je od zatraženih nadležnih komisija, dobivena povratna informacija samo od Komisije za zaštitu ljudskih prava i sloboda Predstavničkog doma. Zatim je zaključeno da odmah nakon dobivanja suglasnosti dovoljnog broja članova Vijeća, treba uputiti urgencije prema Administrativnoj komisiji, u vezi izmjene Odluke o osnivanju i imenovanju članova Vijeća nacionalnih manjina Federacije BiH, kao i da treba provjeriti razloge neprolaženja Amandmana u vezi s finasiranjem Vijeća.

Primjerene dopise neophodno je uputiti i nadležnim rukovodnim predstavnicima domova Parlamenta Federacije BiH, kako bi se postigla realizacija prezentacije Vijeća na web stranici Parlamenta FBiH, zatim kereirao službeni e-mail Vijeća, omogućio pristup Internetu iz službene kancelarije, te postigla saglasnost oko memoranduma, Poslovnika i Statuta Vijeća NM FBiH.

Kada je riječ o zaprimljenom dopisu pod naslovom "Dostava Informacija o provođenju mjera i načela utvrđenih Okvirnom konvencijom za zaštitu nacionalnih manjina Vijeća Evrope", koji je stigao iz Ministarstva za ljudska prava BiH (Sektor za ljudska prava), dogovoreno je da se sačini adekvatan Izvještaj i pošalje na priloženu adresu.

Četrnaesta sjednica Vijeća nacionalnih manjina Parlamenta Federacije BiH, održana je 3. 11. 2011. godine i u skladu sa zaključcima trinaeste sjednice VNMFBiH pisma su poslana na predložene adrese.

Dostavljen je „Izveštaj“ o radu VNMFBiH Ministarstvu za ljudska prava FBiH.

Mehmed Mujić je zadužen da prati reakciju na pisma upućena ministarstvima obrazovanja kantona i Federacije BiH.

Nije donesena konačna odluka o sazivanju press konferencije.

Nije napisano i poslano pismo vezano za socijalni položaj, zapošljavanje i stambenu problematiku Roma (zadužen Šaban Mujić).

Predloženo je da se pismo podrške pošalje Kiseljačkoj školi u kojoj je veliki broj Romske djece.

Nisu popunjene komisije VNMFBiH novim članovima.

Nije izabrana Komisija za izradu Izveštaja o radu VNMFBiH u 2011. godini.

Nije poslana prijava ombudsmenima.

Istovremeno je jednoglasno odlučeno da se objema administrativnim komisija PFBiH pošalju pisma u vezi Odluke o izmjeni Odluke o osnivanju i imenovanju članova Vijeća nacionalnih manjina Federacije BiH i traži njena hitna realizacija. U tu svrhu svi članovi VNMFBiH treba da dostave: ime i prezime, matični broj, adresu stanovanja, ime banke, broj banke i broj ličnog računa.

Petnaesta sjednica Vijeća nacionalnih manjina FBiH održana je 8. 12. 2011. godine i osim o problemima vezanim za nerješavanje osnovnih prepreka u radu Vijeća, razgovarano je o provođenju Odluke vezane za naknadu članova Vijeća i odlučeno da se ostane pri ranije donesenim zaključcima vezanim za planove rada i finansijske planove za 2012., 2011. i 2010. godinu.

- Susret Vijeća nacionalnih manjina BiH i Vijeća nacionalnih manjina FBiH 16. februar 2011. godine, Sarajevo, vezano za usaglašavanje zajedničkih aktivnosti Vijeća nacionalnih manjina BiH i Vijeća nacionalnih manjina FBiH za 2011. godinu.

- Posjeta Visokom predstavniku Valentinu Inzku 9. juna 2011. godine.

- Seminar "Implementacije Okvirne konvencije za zaštitu nacionalnih manjina" 16. i 17. juni 2011. godine.

- Podsticanje napora usmjerenih ka poboljšavanju društveno - ekonomske uključenosti romske zajednice u Bosni i Hercegovini jedan je od prioriteta EU. Kako bi identificirali naredne korake u ovom smislu, Evropska komisija će organizirati radionicu o pitanjima Roma 4. jula u prostorijama Delegacije EU. Cilj ovog sastanka je informiranje svih zainteresiranih strana o aktuelnim aktivnostima u BiH, kao i diskutiranje o prioritetima politika i konkretnim izazovima na poboljšanje društvene uključenosti Roma.

- Analitika – Centar za društvena istraživanja - Šesta međunarodna konferencija jedinstvo i razlike u Evropi 1. august 2011. godine.

- USAID Projekat jačanja Parlamenta u saradnji sa Parlamentom FBiH (tačnije, Komisijom za jezička pitanja Doma naroda - Stručno savjetovanje za zastupnike i delegate oba doma Parlamenta kao i za uposlenike stučnih službi. Tema ovog, trećeg po redu, savjetovanja iz pravne domene bila bi Posebni aspekti upotrebe jezika u zakonodavstvu FBiH.

- Centar za društvena istraživanja Analitika i Fond otvoreno društvo organizovalo je konferenciju o temi „Kako izvršiti presudu Evropskog suda za ljudska prava u predmetu Sejdić i Finci protiv BiH“?: Izazovi i modaliteti reforme Predsjedništva BiH i Doma naroda Parlamentarne skupštine BiH“.

- Centar za društvena istraživanja Analitika i Fond otvoreno društvo organizovalo je okrugli sto o temi, a na osnovu studije koja je tom prilikom 20. 10. 2011. godine i prezetirana “Politička participacija nacionalnih manjina u lokalnoj vlasti u BiH – aktuelno stanje, perspektive i putevi napretka”.

Komisija za izradu i ostvarivanje programa rada koju po funkciji čine predsjedavajuća i dvije zamjenice predsjedavajuće nije održala ni jedan sastanak, jer Program rada nije bilo moguće ostvariti iz navedenih razloga, odnosno ostvaren je djelimično, a rad VNMFBiH je redovno analiziran i praćen tokom redovnih sjednica.

Komisije za očuvanje i razvoj kulturnog, obrazovnog i jezičkog identiteta pripadnika nacionalnih manjina održala je jednu sjednicu – polovinom decembra 2010. godine kada je predložen i usvojen program rada Komisije za 2011. godinu.

Komisije za ustavno - zakonodavna pitanja, razvoj i zaštite prava pripadnika nacionalnih manjina održala je sedam sjednica i Izvještaj o radu ove Komisije prihvaćen je na posljednjoj sjednici VNMFBiH u 2010. godini.

Na kraju još jednom podvlačimo da je imenovanje Roma u sastav VNMFBiH i objavljivanje njihovih imena u Službenom listu urađeno tek u julu ove godine, da je prostorija Vijeću dodijeljena isto tako u julu ove godine, a da ni do danas nije odobren Budžet, imenovan službenik koji će pratiti rad Vijeća, data saglasnost na Poslovnik i Statut Vijeća, kao ni uvršteno Vijeće na zvaničnu web stranu Parlamenta FBiH, Vijeće još nema svoju e-mail adresu, članovi Vijeća propusnice i nije regulisana upotreba memoranduma i pečata.

Iako su se članovi Vijeća sastali sa Visokim predstavnikom, ambasadorom OSCE-a, Visokim Komesarom za nacionalne manjine iz Haaga, ambasadorima zemalja čije manjine žive u BiH, uspjeli su se 5. 12. 2011. godine prvi put od kada postoji Vijeće, sastati sa Karolinom Pavlović, predsjedavajućom Doma naroda Parlamenta Federacije Bosne i Hercegovine, ali nikada do sada nisu se uspjeli sastati ni sa jednim od predsjedavajućih domova Parlamenta FBiH, Premijerom Federacije ili ministrom pravde FBiH.

Uprkos tome članovi Vijeća su u skladu sa mogućnostima ispunjavali Plan rada.

Presjekom kroz zapisnike i ukratko prikazom onoga što smo radili, posebno ističemo bezbrojne pokušaje, nebrojena pisma i dopise, obraćanja i zahtjeve na koje nije bilo nikakvog odgovora ni reakcije odgovornih.

Treba pomenuti da su arhivirani svi zapisnici Vijeća i komisija, dopisi i pisma poslana tijelima i pojedincima u PFBiH i van njega, te i međunarodnim institucijama, kao i kratki izvještaji o prisustvu savjetovanjima okruglim stolovima, seminarima ili radionicama, i dostupni su po potrebi, a usvojeni su, osim u tri slučaja, jednoglasno.

Sarajevo, 9. 12. 2011. godine

Sanja Bogdanović, predsjedavajuća Vijeća nacionalnih manjina FBiH